


Oifig an
Office of the  **Stiúrthóra Ionchúiseamh Poiblí**
Director of Public Prosecutions

RÁITEAS STRAITÉISE 2013-2015



Oifig an Stiúirthóra Ionchúiseamh Poiblí ,

Bóthar na hOtharlainne,
Baile Átha Cliath 7.

Tel: + 353 1 858 8500
Fax: + 353 1 642 7406
Web: www.dppireland.ie


An Príomh-Atur nae Ionchúisimh,

90 Sráid an Rí Thuaidh,
Margadh na Feirme,
Baile Átha Cliath 7

Tel: +353 1 858 8500
Fax: +353 1 642 7406
Web: www.dppireland.ie

CLÁR

	Réamhrá	4
1	Ról an Stiúrthóra Ionchúiseamh Poiblí	6
2	Ráiteas Misin	10
3	An Comhthéacs Timpeallachta	11
4	Príomh-Chuspóirí	18
5	Seachadadh ar na Príomh-Chuspóirí	19
6	Fachtóirí Tábhachtacha Rathúlachta	25
7	Creat an Phróisis Ionchúiseamh Choiriúil	27
8	An Struchtúr Eagraíochtúil	28



RÉAMHRÁ




Fáiltím roimh an deis atá agam sa Ráiteas Straitéise seo, an chéad cheann a d'fhoilsigh mé ó ceapadh i mo Stiúrthóir Ionchúiseamh Poiblí mé i Samhain 2011, na straitéisí a ghlacfaidh an Oifig seo sna trí bliana atá amach romhainn a leagan amach, le go leanfar ar aghaidh ag tacú le soláthar seirbhíse ionchúisimhi an Stáit.

Tá seirbhís ionchúisimh a fheidhmíonn mar is ceart ríthábhachtach do dhlí agus ord a choimeád i sochaí ar bith. Cé go bhfuilimid ag feidhmiú i dtréimhse thar a bheith dúshlánach, cosúil le gach eagraíocht san eanáil phoiblí, tá sé ríthábhachtach go leanfaidh an Oifig seo ar aghaidh le seirbhís ionchúisimh a chur ar fáil thar ceann mhuintir na hÉireann atá neamhspleách, cothrom agus éifeachtach. Díríonn na straitéisí atá leagtha amach sa ráiteas seo ar na leibhéil reatha seirbhíse a choimeád i gcomhthéacs na timpeallachta eacanamaíochta atá ag athrú agus a chinntiú go mbainfear an úsáid is éifeachtaí is féidir as na hacmhainní atá ar fáil dúinn.

Le roinnt blianta anuas tá athchóiriú mór déanta ar an tseirbhís ionchúisimh agus tá sí tugtha cothrom le dáta. Tá seirbhísí sruthlínithe againn trí athrú a chur ar chleachtais oibre agus tá leas bainte againn as teicneolaíocht chun cur go suntasach lenár bpróisis ghnó. Tá an sprioc ó thaobh líon foirne níos lú a leagadh amach don Oifig faoin gCreat Rialaithe Fostaíochta bainte amach againn agus d'éirigh linn coigiltis mhóra a chur i gcrích maidir le costais riaracháin na hOifige, costais dlí agus costais a bhaineann le dlíodóirí ó lasmuigh den Oifig a fhostú. Beidh tuilleadh dúshlán ann sna trí bliana amach romhainn, gan dabht, ach táim tiomanta iarracht mhór a dhéanamh na héifeachtúlachtaí atá bainte amach cheana féin a choimeád agus cur leo.

Táimid ag obair, le roinnt blianta anuas, i dtreo an Oifig uile a lonnú in aon fhoirgneamh ceanncheathrú amháin. Tá áthas orm a rá go ndearnadh go leor dul chun cinn ar an tionscadal seo i rith 2012 nuair a bhog an Rannán Stiúrtha agus dhá chuid den Rannán Aturnaetha isteach i gcóiríocht nua ar Bhóthar na hOtharlainne, le taobh na gCúirteanna Breithiúna Coiriúla. Ceann de na príomhchuspóirí i rith saolré an Ráitis Straitéise seo ná gach is féidir linn a dhéanamh ionas gur féidir a chinntiú go mbeidh an chuid eile den Oifig linn. Leanfaidh as sin, ní amháin coigiltis bhuiséid ach éascófar leis lánpháirtiú níos mó agus cuirfear ar ár gcumas ár gcuid oibre a dhéanamh ar an tslí is éifeachtula is féidir.

Ní mór don Oifig a bheidh ar an airdeall faoin timpeallacht dlíthiúil atá ag athrú agus ina bhfeidhmímid. Príomhthosaíocht domsa agus don fhoireann bainistíochta sinsearaí ná a chinntiú go gcuirfidh ár bhfoireann ghairmiúil na feidhmeanna a shanntar dóibh i gcrích chuig na caighdeáin is airde is féidir, thar mo cheann. Caithfidh, mar sin, tuiscint cheart a bheith acu ar an dlí coiriúil



agus ar an gcóras ceartais choiriúil, chomh maith le tuiscint ar bheartais Oifige ar raon leathan saincheistean. Príomh-ghné le linn saolré an Ráitis Straitéise seo ná córas bainistithe eolais a fhorbairt tuilleadh, rud a chinnteoidh rochtain ar eolas dlíthiúil tráthúil agus cothrom le dáta. D’ainneoin na srianta atá ar ár mbuiséad oiliúna, tá sé riachtanach go gcinnteoidimid go mbeidh rochtain ag an bhfoireann ghairmiúil ar fhorbairt ghairmiúil leanúnach, lena n-áirítear cláir oiliúna dhlíthiúla shaincheaptha inti a chur ar fáil, go pointe ar a laghad, ag baill foirne inti a mbeadh saineolas ábhartha acu.


Dúshlán eile don Oifig seo i gcomhthéacs na timpeallachta dlí ná Treoir ón AE maidir le cearta íospartach a thrasú isteach i ndlí na hÉireann. Bunaíonn an treoir caighdeán ar chearta, cosaint agus tacaíocht d’íospartaigh choiriúlachta. Áireofar air sin an ceart d’íospartaigh faisnéis a fháil maidir le cinneadh ar bith gan dul ar aghaidh le hionchúiseamh. Thug an Oifig seo polasaí isteach in 2008 ina dtugtar cúiseanna anois i ndáil le cinntí gan cásanna inar bhásaigh duine a ionchúiseamh, ach sin a iarraidh. Cé nach bhfuarthas ach líon beag iarratas, tá sé an-dian ar acmhainní an polasaí a chur i bhfeidhm. Táimid ag súil, mar sin, go mbeidh impleachtaí móra don Oifig seo nuair a thrasúfear an Treoir ón AE isteach i ndlí na hÉireann. Príomh-ní le breithniú a bheidh ansin agus sinn ag déanamh iarracht ár leibhéil seirbhíse reatha a choimeád thar shaolré an Ráitis Straitéise seo.

Tá an caidreamh a bhíonn againn le gníomhaireachtaí eile sa chóras ceartais choiriúil tríd is tríd thar a bheith tábhachtach. Tá caidrimh oibre láidre bunaithe againn in imeacht na mblianta, le comhghleacaithe sa chóras ceartais choiriúil náisiúnta agus idirnáisiúnta. Leanfaimid orainn ag cothabháil agus ag forbairt comhoibriú idir-ghníomhaireachtaí lena chinntiú go

bhfeidhmeoidh an córas ceartais choiriúil ar shlí chomhtháite agus éifeachtach chun leasa gach duine a bhfreastalaímid orthu.



Claire Loftus
An Stiúrthóir Ionchúiseamh Poiblí
Feabhra 2013



1 RÓL AN STIÚRTHÓRA IONCHÚISEAMH POIBLÍ


CÚLRA REACTHÚIL

- 1.1 Bhunaigh an tAcht um Ionchúiseamh i gCionta, 1974 Oifig an Stiúirthóra Ionchúiseamh Poiblí, a thug “na feidhmeanna go léir is féidir a chomhlíonadh maidir le hábhair choiriúla” don Stiúirthóir ón Ard-Aighne díreach sular ritheadh an tAcht.
- 1.2 Is í an phríomhfheidhm díobh sin an chumhacht cionta coiriúla a ionchúiseamh. Tagann an chumhacht chun cionta indíotáilte (na cionta níos tromchúisí a thriailtear os comhair giúiré nó sa Chúirt Choiriúil Speisialta) a ionchúiseamh ó Alt 30 de Bhunrecht na hÉireann. Tagann an chumhacht chun cionta achoimre a ionchúiseamh ón Acht Breithiúnais Choiriúla (Riara), 1924. Coinnítear an chumhacht chun cionta indíotáilte a ionchúiseamh leis an Stiúirthóir, ach amháin i roinnt cásanna an-teoranta ina choinnítear an chumhacht leis an Ard-Aighne. Féadfaidh Airí iomchuí, Gníomhaireachtaí Stáit nó daoine aonair ag gníomhú mar “Fhaisnéisithe Príobháideacha”, cionta achoimre a ionchúiseamh, áfach. Faoi alt 8 d’Acht an Gharda Síochána, 2005, caitear ionchúisimh achomair a dhéanann an Garda Síochána a thabhairt in ainm an Stiúirthóra agus faoi réir a treoracha ginearálta nó a treoracha sonracha.
- 1.3 Thug Acht 1974 feidhmeanna an Ard Aighne don Stiúirthóir chomh maith maidir le hachainíocha toghcháin agus reifrinn.
- 1.4 Tá tuairisc níos mionsonraithe ar fheidhmeanna an Stiúirthóra le fáil sna Treoirínte d’Ionchúisitheoirí atá ar fáil ar láithreán gréasáin na hOifige ag www.dppireland.ie.

- 1.5 Déanann Acht 1974 foráil go mbeidh an Stiúirthóir Ionchúiseamh Poiblí neamhspleách agus í ag comhlíonadh a feidhmeanna. Treisítear an neamhspleáchas sin leis na forálacha reachtúla a bhaineann le ceapachán agus daingneacht tionachta an Stiúirthóra agus leis an toirmeasc reachtúil ar chumarsáid a bheadh beartaithe chun tionchar a imirt ar chinntí an Stiúirthóra.
- 1.6 Tá mar chúnamh ag an Stiúirthóir foireann d’oifigigh ghairmiúla dlí, idir aturnaetha agus abhcóidí, agus tá cumhacht reachtúil aici iad a threorú chun aon cheann dá feidhmeanna a chomhlíonadh thar a ceann. Tá foireann de 192.6 san iomlán fostaithe ag Oifig an Stiúirthóra Ionchúiseamh Poiblí.

AN CÓRAS IONCHÚISEAMH POIBLÍ

- 1.7 Is toradh ar obair roinnt gníomhaireachtaí aonair atá sa chóras ionchúiseamh poiblí in Éirinn. Ní fhéadfaidh aon ghníomhaireacht amháin córas ionchúiseamh a sheachadadh leis féin. Mar sin is cuid riachtanach de chóras ionchúiseamh éifeachtúil agus éifeachtach a sholáthar í idirghníomhaíocht idir na gníomhaireachtaí. Is iad seo a leanas na príomhghníomhaireachtaí sa phróiseas:-
- 1.8 **An Stiúirthóir Ionchúiseamh Poiblí agus a foireann:** Tá trí phríomhrannán in Oifig an Stiúirthóra Ionchúiseamh Poiblí:
 - Tá an Rannán Stiúrtha freagrach as stiúradh foriomlán imeachtaí coiriúla tromchúiseacha. Áirítear air sin an cinneadh a dhéanamh ar chóir ionchúiseamh a dhéanamh,



agus cad é an cion a bhíonn i gceist, glacadh le cinneadh a dhéanamh imeachtaí a tharraingt siar nó pléadálacha i gcionta níos lú, agus achomhairc a thabhairt maidir le pointí dlí nó chun athbhreithnithe ar phianbhreithe a bhíonn róthrócaireach go míchuí a lorg.

- Is é an Rannán Aturnaetha, faoi cheannaireacht an Phríomh-Aturnae Ionchúisimh, atá freagrach as an tseirbhís aturnae i mBaile Átha Cliath a sholáthar don Stiúrthóir. Áirítear air sin ullmhúchán ginearálta ar chásanna indíotáilte, lena n-áirítear leabhair fianaise a ullmhú, agus teagasc agus freastal a dhéanamh ar abhcóidí ag an éisteacht, seoladh ionchúiseamh achomair agus seoladh gach cás Athbhreithnithe Bhreithiúnaigh thar ceann an Stiúrthóra.
- Soláthraíonn an Rannán Riaracháin na seirbhísí eagraíochtúla, bonneagair, riaracháin agus faisnéise a bhíonn riachtanach don Oifig agus chomh maith leis sin, tugann tacaíocht don Rannán Stiúrtha agus do Rannán na nAturnaetha araon.

Faigheann na trí Rannán tacaíocht ina gcuid oibre ó:


- An tAonad Polasaí Ionchúisimh a ghlacann ceannas maidir le polasaithe ionchúisimh a fhorbairt agus le comhairle a thabhairt ar dhoiciméid pholasáí dhlíthiúla a chuirtear faoi bhráid na hOifige lena mbreithniú.
- An tAonad Taighde agus Leabharlainne a chuireann faisnéis, cumas agus seirbhísí taighde ar fáil don fhoireann riaracháin agus dlí.

1.9 Tá an **Garda Síochána** freagrach as coireanna a imscrúdú. Tá an fheidhm imscrúdaithe seo neamhspleách ar an Stiúrthóir agus ar a hOifig. Is iad a dhéanann an cinneadh freisin ar chóir ionchúiseamh a dhéanamh i ndáil fhormhór mionchionta, agus seolann siad na cásanna sin sa chúirt. Sa chás go ndéanann an Garda Síochána ionchúiseamh déanann siad sin in ainm an Stiúrthóra agus bíonn siad faoi réir aon treoraithe a thabharfaidh an Stiúrthóir maidir leis an ionchúiseamh áirithe sin. Ina theannta sin, bíonn siad faoi réir treoracha ginearálta a eisíonn an Stiúrthóir ó am go ham tar éis comhchomhairle le Coimisinéir an Gharda Síochána.

1.10 Is aturnaetha neamhspleácha i gcleachtas príobháideach iad na 32 **Aturnae Stáit áitiúla**, (duine i ngach contae lasmuigh de Bhaile Átha Cliath, ach amháin Gaillimh, Luimneach, Cill Dara agus Tiobraid Árann, a bhfuil beirt, agus Corcaigh, a bhfuil ceathrar ann) a sholáthraíonn seirbhís aturnae ina limistéir faoi seach don Stiúrthóir, ar bhonn conartha.

1.11 Tugann an Stiúrthóir treoir **d'abhcóidí neamhspleácha** obair abhcóideachta a dhéanamh i gcásanna a n-eisítear os comhair giúiré nó sa Chúirt Choiriúil Speisialta nó i gcúirt achomhairc.

1.12 Ina theannta sin tá **roinnt sainghníomhaireachtaí imscrúdaithe** ann a bhfuil cumhacht acu imscrúdú a dhéanamh ar choireanna in earnálacha sonracha. Áirítear orthu sin na Coimisinéirí Ioncaim, an tÚdarás Iomaíochta, Oifig an Stiúrthóra um Fhorfheidhmiú Corparáideach agus an tÚdarás Sláinte agus Sábháilteachta, an Ghníomhaireacht um Chaomhnú Comhshaoil agus Coimisiún



Ombudsman an Gharda Síochána. Tá an gaol atá acu leis an Stiúrthóir cosúil leis an ngaol atá aige leis an nGarda Síochána. Féadfaidh roinnt díobh ionchúisimh achoimre a sheoladh faoina n-ainm féin, áfach.

cinneadh a dhéanann an Garda Síochána ionchúiseamh nó gan ionchúiseamh a dhéanamh cosc ar an Stiúrthóir maidir lena mhalairt de chinneadh a dhéanamh, má chuirtear an ní faoina bráid.

IMSCRÚDÚ AGUS IONCHÚISEAMH


- 1.13** Baineann trí phríomhchéim le cion a ionchúiseamh:
- coir a imscrúdú;
 - an cinneadh ionchúiseamh a dhéanamh nó gan ionchúiseamh a dhéanamh agus
 - an cás a bhainistiú nuair a bhíonn an cinneadh déanta ionchúiseamh a dhéanamh.
- 1.14** Níl feidhm imscrúdaithe ag an Stiúrthóir. Is é feidhm an Gharda Síochána, go ginearálta, cionta coiriúla a imscrúdú. Tá sainúdaráis imscrúdúcháin ann freisin. Comhoibríonn an Stiúrthóir go rialta leis na gníomhaireachtaí imscrúdaithe le linn imscrúduithe coiriúla, go háirithe maidir le comhairle dhlíthiúil chuí agus ionchúisimh a chur ar fáil, ach ní stiúrann sí iad.

AN CÁS A BHAINISTIÚ TAR ÉIS AN CHINNEADH IONCHÚISEAMH A DHÉANAMH


- 1.16** Is ar an Stiúrthóir agus a foireann ghairmiúil a luíonn stiúradh foriomlán cásanna tromchúiseacha nuair a chinntear ionchúiseamh a dhéanamh. Cinneann siad freisin ar chóir glacadh le pléadail chiontach ar chúiseamh nach bhfuil chomh tromchúiseach; ar chóir achomharc a dhéanamh ar chinneadh; ar chóir ionchúiseamh a tharraingt siar nó ar chóir nolle prosequi a iontráil.
- 1.17** Is ar an Rannán Aturnaetha, faoin bPríomh-Aturnae Ionchúisimh, nó an t-aturnae stáit áitiúil, atá an fhreagracht seirbhís aturnae a sholáthar. Bíonn an t-aturnae freagrach as ullmhúchán ginearálta an cháis, lena n-áirítear leabhair fianaise a ullmhú, uiriolla a dhéanamh ar an ionchúiseamh ag gach éisteacht nó iarratas réamhthrialach, lena n-áirítear teistíochtaí a ghlacadh nó fianaise a ghlacadh trí nasc físe, nó ábhair réamhthrialacha eile ar nós nochtadh doiciméad, agus a chinntiú go mbíonn an cás réidh le dul ar aghaidh ar an dáta a bhíonn socraithe don triail. Bíonn an t-aturnae freagrach as teagasc agus freastal a dhéanamh ar aon abhcóide a bhíonn fostaithe sa chás.
- 1.18** Lasmuigh de Dhúiche Chathrach Bhaile Átha Cliath is Ceannfort nó Cigire den Gharda Síochána a chuireann ionchúisimh achoimre i

AN CINNEADH IONCHÚISEAMH A DHÉANAMH

- 1.15** Is é an Stiúrthóir agus a foireann a dhéanann an cinneadh ar chóir ionchúiseamh a dhéanamh agus cad iad na cionta a ionchúiseofar i ngach cás a thriailtear ar díotáil agus i gcásanna tromchúiseacha eile. Is é an Garda Síochána a thionscnaíonn agus a ionchúisíonn cásanna achoimre sa Chúirt Dúiche in ainm an Stiúrthóra ach faoi réir threoracha ginearálta nó sonracha an Stiúrthóra. Ní chuireann



láthair na cúirte. I roinnt cásanna, cuirfidh an t-aturnaí stáit áitiúil an cás i láthair nó, ó am go chéile, d'fhéadfaí abhcóide a áirithiú. Laistigh de Dhúiche Chathrach Bhaile Átha Cliath, is comhaltaí den Gharda Síochána a chuireann ionchúisimh achoimre neamhchasta i láthair. Is aturnaetha ó Rannán Aturnaetha Oifig an Stiúrthóra Ionchúiseamh Poiblí a chuireann na cásanna níos casta i láthair.



2 RÁITEAS MISIN

2.1 Is é misean an Stiúrthóra Ionchúiseamh Poiblí agus a hOifige:


“Soláthar a dhéanamh thar ceann Phobal na hÉireann ar sheirbhís ionchúiseamh a bhíonn neamhspleách, cothrom agus éifeachtach”.

2.2 An Pobal: Forálann Bunreacht na hÉireann go mbíonn coireanna agus cionta le hionchúiseamh in ainm an Phobail. Tá sé lárnach do ról an Stiúrthóra agus a hOifige go dtionscnaítear ionchúisimh thar ceann an Phobail.

2.3 Is croíluch de chuid na hOifige é an **neamhspleáchas**. Bhunaigh an tAcht um Ionchúiseamh i gCionta, 1974, oifig an Stiúrthóra Ionchúiseamh Poiblí mar oifig neamhspleách. Is cúis lárnach le bunú na hoifige a bhí sa ghá leis an tseirbhís ionchúisimh a bheith neamhspleách agus go bhfeicfí go bhfuil sé amhlaidh. Faoi réir ag na Cúirteanna, tá an Stiúrthóir neamhspleách ar gach comhlacht agus institiúid eile, lena n-áirítear an Rialtas agus an Garda Síochána araon, agus glactar cinntí saor ó aon thionchar polaitiúil nó eile.

2.4 Is comhpháirt bhunriachtanach den tseirbhís ionchúiseamh i sochaí dhaonlathach í an **chothroime**. Tá sé mar aidhm ag Oifig an Stiúrthóra oibriú chuig na caighdeáin ghairmiúla is airde agus déileáil go cothrom, go comhionann agus go comhsheasmhach gan aon idirdhealú mícheart le gach duine lena mbíonn sí ag déileáil.

2.5 Éifeachtacht: Tá sé mar aidhm ag an Oifig an tseirbhís ardchaighdeán is airde a sholáthar ar chostas réasúnach. Tá oifigeach cuntasachta na hOifige cuntasach don Oireachtas trí Choiste na gCuntas Poiblí maidir lena caiteachas airgid poiblí agus dá heacnamaíocht agus éifeachtacht in úsáid a hacmhainní.



3 AN COMHTHÉACS TIMPEALLACHTA

RÉAMHRÁ


- 3.1** Le go soláthróidh an Oifig seirbhís ar an gcaighdeán is airde is féidir ar an gcostas is eacnamaíche, tá sé riachtanach go dtugaimid aird leanúnach ar an timpeallacht atá ag athrú agus ina gcaithimid oibriú. Beidh tionchar ag an timpeallacht atá ag athrú ar an tslí a dhéanfaimid gnó sna trí bliana amach romhainn. Tugann an Ráiteas Straitéise seo deis dúinn príomhfachtóirí timpeallachta a leagan amach, breathnú ar an éifeacht a bheidh acu ar ár seirbhís, agus na bearta a chuirfimid ar bun leis an tseirbhís ionchúisimh is éifeachtaí agus is éifeachtúlaí a sheachadadh i bhfianaise imthosca a bhíonn ag athrú.
- 3.2** Rinneadh go leor oibre le linn ré ár Ráiteas Straitéise deiridh ar dhul i dtreo sheirbhís ionchúisimh lánpháirtithe go hiomlán. An rud is mó a chuireann isteach ar an lánpháirtiú sin a bhaint amach ná go bhfuil an Oifig deighilte thar dhá láthair ó bunaíodh an Rannán Aturnaetha in 2001. Tugadh tiomantas in 2011 chun Oifig an Stúirthóra Ionchúiseamh Poiblí a lonnú san fhoirgneamh ina mbíodh Ceannteathrú na Roinne Cosanta ar Bhóthar na hOtharlainne i ngar do na Cúirteanna Breithiúnais Coiriúla. Rinneadh dul chun cinn suntasach ar an tionscadal seo le linn 2012 nuair a bhog Rannán Stiúrtha na hOifige, chomh maith le dhá rannóg den Rannán Aturnaetha, isteach sa chóiríocht nua. Táthar ag súil go na-aistroidh na rannóga den Rannán Aturnaetha atá fanta i Sráid an Rí Thuaidh chuig an gCeannteathrú ar Bhóthar na hOtharlainne le linn saolré an Ráitis Straitéise seo. Cuirfidh sin go mór le cumas na hOifige a cuid oibre a atheagrú ionas gur féidir seirbhís níos

éifeachtúla agus níos sruthlínithe a chur ar fáil.

- 3.3** Tá athruithe ollmhóra tagtha ar an timpeallacht dlíthiúil agus ar an timpeallacht bainistíochta agus rialachais ina bhfeidhmíonn on Oifig. D'éiligh na dúshláin a thugann na hathruithe sin ar an Oifig bealaí oibrithe, nósanna imeachta agus cleachtais nua a chur i bhfeidhm. Beidh go leor de na dúshláin a bhí ann san am atá caite le braith arís sa tréimhse trí bliana arna clúdach ag an Ráiteas Straitéise seo. Is léir, áfach, go gcruthóidh na deacrachtaí atá ann de bharr na timpeallachta eacnamaíochta reatha dúshláin chasta nua a mbeidh orainn aghaidh a thabhairt orthu go rathúil má tá an Oifig le leanúint ar aghaidh ag seachadadh seirbhís ionchúisimh éifeachtach.

AN TIMPEALLACHT BUISÉID

- 3.4** Mar is amhlaidh le gach eagraíocht seirbhíse poiblí eile, is léir gurb iad na cúinsí eacnamaíochta a bhfuil athrú tagtha orthu is mó a thabharfaidh dúshlán don Oifig seo thar an tréimhse trí bliana atá romhainn. Mar gheall ar an tábhacht lárnach a bhaineann le seirbhís ionchúisimh éifeachtach do thír ar bith, tá sé ríthábhachtach go ndéanfar caighdeán a choimeád. Díreofar, mar sin, sa Ráiteas Straitéise seo, ar conas is féidir na hacmhainní atá ar fáil a úsáid ar an tslí is éifeachtaí d'fhonn na leibhéil seirbhíse reatha a choimeád.
- 3.5** Is dócha go n-eascróidh níos mó deacrachtaí don Oifig seo as cur i bhfeidhm thionscnaimh éagsúla an Rialtais ná mar a eascróidh do go leor eagraíochtaí eile san earnáil phoiblí, a bhfuil rogha éigin acu maidir leis na



seirbhís a chuireann siad ar fáil. Níl rogha ar bith ag Oifig an Stiúrthóra Ionchúiseamh Poiblí maidir leis an obair nach mór di a dhéanamh, áfach, ná níl smacht aici ar an líon comhad imscrúdaithe coiriúil a fhaigheann sí.

AN TIMPEALLACHT DHLÍTHIÚIL


3.6 Méid agus castacht na hoibre:

- Tá an Oifig ag plé le breis agus 16,000 comhad ionchúisimh in aghaidh na bliana anois. Baineann na comhaid sin le nithe tromchúiseacha agus casta, de ghnáth. An Garda Síochána a dhéanann cásanna níos simplí a ionchúiseamh, gan tagairt don Oifig seo, de réir na nOrdachán Ginearálta faoi alt 8 d'Acht an Gharda Síochána 2005, a leathnaigh scóip na gcionta arna gclúdach ag an tarmligean. Tá ardú tagtha ar líon agus ar chastacht an ábhair a chuirtear ar aghaidh chuig an Oifig seo lena bhreithniú, mar thoradh ar fhachtóirí ar nós athruithe ar reachtaíocht agus forbairtí sa teicneolaíocht le blianta beaga anuas.
- Bíonn baint ag líon suntasach gníomhaireachtaí rialaitheacha speisialaithe le himscrúdú agus ionchúiseamh cionta coiriúla. Áirítear orthu sin na Coimisinéirí Ioncaim, Oifig an Stiúrthóra um Fhorfheidhmiú Corparáideach, an tÚdarás Sláinte agus Sábháilteachta, an tÚdarás Iomaíochta, údarais áitiúla, agus an Ghníomhaireacht um Chaomhnú Comhshaoil. Bíonn méid mór go minic i gcomhaid a fhaightear ó shainghníomhaireachtaí imscrúdaithe agus bíonn saincheisteanna dlíthiúla casta

iontu. Áirítear ar na samplaí básanna ag an áit oibre, cúrsaí airgeadais, cásanna pleanála agus bainistithe dramhaíola, nithe a bhaineann le hioncam agus saincheisteanna iomaíochta. Mar sin, bíonn imscrúdú na gcomhad sin thar a bheith dian ar acmhainní.

- ### 3.7 Aturnaetha Stáit:
- Aistríodh freagracht as an tSeirbhís Aturnae Stáit ón Ard-Aighne go dtí an Stiúrthóir Ionchúiseamh Poiblí i mBealtaine 2007, agus thug sé sin éifeacht do mholadh deiridh de chuid an Ghrúpa Staidéir ar an gCóras Ionchúisimh Phoiblí. Is é cuspóir an aistrithe soláthar a dhéanamh do sheirbhís ionchúisimh níos sruthlínithe. An Príomh-Aturnae Ionchúisimh atá freagrach as bainistiú na seirbhíse ó lá go lá. Coimeádfar soláthar agus cothabháil na seirbhíse sin faoi athbhreithniú le linn saolré an Ráitis Straitéise seo le súil agus éifeachtúlacht a uasmhéadú agus comhleanúnachas caighdeán a chinntiú ar leibhéal náisiúnta

- ### 3.8 An tAonad Polasaí Ionchúisimh:
- Tá ról lárnach ag an Aonad Polasaí Ionchúisimh, a bunaíodh in 2008, maidir le treoir ó thaobh polasaí inmheánach a fhorbairt; a bheith ag obair le gníomhaireachtaí eile maidir le prótacail a fhorbairt d'ábhair a bhaineann le comhaid ionchúisimh a chur ar aghaidh; freagraí ar mholtaí polasaí ceartais choiriúil náisiúnta agus idirnáisiúnta a bhainistiú; agus comhoibriú le gníomhaireachtaí eile, reachtúil agus neamhrialtasach araon, ar thionscadail taighde a bhaineann le saincheisteanna an dlí choiriúil. Tá obair an Aonaid ina cuid bhunúsach de sheirbhís ionchúisimh éifeachtach agus éifeachtúil a fheidhmiú.



3.9 Sócmhainní a Urghabháil: Bunaíodh Aonad chun Sócmhainní a Urghabháil tiomanta laistigh de Rannán Aturnaetha na hOifige in 2007. Tá sé de dhualgas ar an aonad seo an straitéis coigistithe sócmhainní a chur i bhfeidhm agus monatóireacht agus comhordú a dhéanamh ar gach iarratas arna dtionscnamh faoin Acht um Cheartas Coiriúil, 1994. Cinntíonn bunú an Aonaid sin go mbeidh foireann sainoilte sannta don obair sin agus go mbeidh ar a gcumas súil a choinneáil agus tuairisciú a dhéanamh ar thorthaí. Leanann an Oifig de bheith ag feidhmiú i gcomhar leis an nGarda Síochána, leis na hAturnaetha Stáit agus leis na Coimisinéirí Ioncaim le sárchleachtas a chinntiú i réimse an choigistithe choiriúil agus an fhorghéillte sócmhainní.

3.10 Athbhreithnithe Breithiúnacha: Ciallaíonn iarratais ar athbhreithniú breithiúnach go mbeidh obair mhór ann don Oifig. D'fhéadfadh na costais a dhámhtar i gcoinne an Stiúrthóra sna cásanna sin a bheith suntasach. Leanfaidh an Oifig ar aghaidh ag déanamh monatóireacht go leanúnach ar an réimse oibre sin agus feidhmiú i gcomhar le gníomhaireachtaí eile laistigh den chóras ceartais choiriúil le hiarracht a dhéanamh costais a laghdú nuair is féidir é.


3.11 Treoir ón AE maidir le hÍospartaigh: Ghlac Comhairle an Aontais Eorpaigh le treoir ón AE a bhunaigh caighdeán maidir le cearta, tacaíocht agus cosaint a thabhairt d'Íospartaigh, ag deireadh 2012. Ní mór an treoir a thrasú isteach i ndlí na hÉireann faoi 2015. Tá roinnt forálacha sa treoir a mbeidh tionchar díreach acu ar an Oifig seo, lena n-áirítear ceart ag Íospartaigh eolas a fháil i ndáil le cinneadh gan daoine a

bhfuil amhras fúthu a ionchúiseamh. Thug an Oifig seo polasaí isteach i mí Dheireadh Fómhair 2008 ina gcuirtear na cúiseanna le cinntiú gan ionchúiseamh a dhéanamh ar fáil do theaghlaigh íospartach i gcásanna báis a tharla i ndiaidh 22 Deireadh Fómhair 2008. Déanfar scrúdú anois ar an bpolasaí sin a leathnú tuilleadh, i bhfianaise na Treorach ón AE maidir le hÍospartaigh. Ní mór aird a thabhairt freisin ar na himpleachtaí ó thaobh acmhainní don Oifig seo maidir leis an treoir a chur i bhfeidhm amach anseo.

3.12 Scrúdú Poiblí: De bharr go bhfuil neart grúpaí a dhéanann ionadaíocht ar íospartaigh agus imní an phobail faoi chruachás íospartach, chomh maith le himní an phobail faoi shaincheisteanna a bhaineann le coireacht, déantar obair na hOifige níos mó agus níos mó faoi dhianscrúdú an phobail agus na meán.

AN TIMPEALLACHT BHAINISTITHE AGUS RIALAITHE

3.13 Aithníonn an Oifig go bhfuil sé riachtanach a chinntiú go mbeidh nósanna imeachta bainistithe agus rialaithe iomchuí aici má tá sí lena freagrachtaí a chomhlíonadh go héifeachtach. Le linn shaolré an Ráitis Straitéise seo braithfidh an Oifig ar an gcreat bainistithe agus rialaithe a forbraíodh thar shaolré na Ráiteas Straitéise roimhe seo. Cuirfidh an creat seo ar chumas na hOifige cur le raon tionscnamh ar tugadh fúthu cheana agus le tabhairt faoi na dúshláin a bhaineann le seirbhís ionchúisimh éifeachtach a sheachadadh laistigh de na teorainneacha atá cruthaithe ag an timpeallacht eacnamaíochta atá againn i láthair na huair.




3.14 Tá roinnt prionsabal atá mar bhonn taca do chreat bainistithe agus rialaithe na hOifige. Is cinn lárnacha ina measc siúd iad Tionscnamh Bainistíochta Straitéisí na státseirbhíse (SMI), a chuireann béim láidir ar spriocanna dúshlánacha a leagan amach agus a bhainistiú ag leibhéal na heagraíochta, an aonaid ghnó agus an duine aonair. Bainfidh bainistíocht na hOifige úsáid i gcónaí as planáil gnó agus as an gCóras Bainistíochta agus Forbartha Feidhmiúcháin (PMDS) mar phríomhghnéithe dá clár forbartha eagraíochta. Is cuid lárnach eile den chreat rialachais é Coiste Iniúchta neamhspleách na hOifige, a dhéanann maoirsiú ar an bhfeidhm iniúchta inmheánaigh. Tugtar le Cairt an Choiste Iniúchta sainordú don choiste athbhreithniú córasach a dhéanamh ar an timpeallacht rialaithe agus ar na nósanna imeachta rialachais san Oifig agus tuarascálacha agus comhairle a sholáthar don ardbhainistíocht. Déanfaidh an Coiste Iniúchta maoirsiú ar iniúchtaí thar gach réimse d'obair na hOifige thar shaolré an Ráitis Straitéise seo. Coimeádfaidh sé na straitéisí bhainistiú riosca atá ar bun faoi athbhreithniú freisin agus déanfaidh sé measúnú ar cé chomh cuimsitheach atá an tslí a gcomhlíonann siad na dúshláin atá roimh an Oifig.

3.15 Bhain Coiste Comhairleach Bainistíochta (MAC) na hOifige úsáid as raon clár athchóirithe státseirbhíse thar na mblianta mar chuid dá sprioc chun éifeachtúlacht agus éifeachtacht na seirbhíse a chuirtear ar fáil a fheabhsú. Sa chlár is déanaí, an Comhaontú Seirbhíse Poiblí 2010 - 2014, a daingníodh i Meitheamh 2010, cuirtear ceanglas ar sheirbhísigh poiblí cloí le clár oibre comhaontaithe um athrú, d'fhonn éifeachtúlacht

agus coigilteas níos mó a bhaint amach sa timpeallacht eacnamaíochta reatha. Leagtar amach sa Phlean le hAthchóiriú a Dhéanamh ar an tSeirbhís Phoiblí, a seoladh i Samhain 2011, na príomh-thiomantais agus na príomh-ghníomhartha um athrú d'fhonn luach ar airgead a chinntiú is seirbhísí poiblí á seachadadh, fad a chuirtear feabhas ag an am céanna ar tháirgiúlacht agus ar fheidhmíocht. Tá cúig lárthéama maidir le hathchóiriú sa Phlean: Seirbhís do chustaiméirí a chur ag croílár gach a dhéanaimid; cainéil nua agus nuálacha do sheachadadh seirbhísí a uasmhéadú; ár gcostais a íoslaghdú d'fhonn luach níos fearr ar airgead a bhrú chun cinn; ceannaireacht, eagrú agus obair a dhéanamh ar bhealaí nua; agus fócas láidir ar chur i bhfeidhm agus ar sheachadadh. Is prionsabail iad sin atá bunúsach maidir le seirbhís ionchúisimh ardháilíochta a sheachadadh agus a bheidh mar fhaisnéis ag straitéisí rialachais agus bainistíochta na hOifige seo le linn saolré an Ráitis Straitéise seo.

3.16 I dtimpeallacht ina mbeidh brú ag teacht go leanúnach ar an líon foirne, samhlaítear go mbeidh dúshláin mhóra roimh an Oifig thar an tréimhse trí bliana atá romhainn maidir le spriocanna agus cuspóirí a sheachadadh. Beidh na struchtúir Chomhpháirtíochta a tógadh san Oifig le roinnt blianta anuas rithábhachtach maidir le fóram a chur ar fáil do chomhchomhairle agus plé idir bainisteoirí agus baill foirne san am dúshlánach atá amach romhainn.

3.17 Cé go n-aithnítear go gcaithfear aghaidh a thabhairt ar na deacrachtaí a eascraíonn as laghdú ar an líon foirne, aithníonn an Oifig freisin



caighdeán ard na mball foirne atá ag fónamh léi faoi láthair. Beidh na cleachtais Acmhainní Daonna a cuireadh i bhfeidhm le linn saolré Ráitis Straitéise roimhe seo chun leasa dúinn sna blianta deacra amach romhainn a chlúdaítear sa Ráiteas Straitéise seo. Déanfar baill foirne a fhorbairt tríd Chóras Forbartha agus Bainistíochta Feidhmíochta (PMDS) na Státseirbhíse agus beidh ról lárnach aige sin maidir lena chinntiú go mbeidh na scileanna riachtanacha ag baill foirne agus ag bainisteoirí san Oifig lena gcuid post a dhéanamh i dtimpeallacht atá ag éirí níos casta agus níos deacra. Cuirfear tacaíocht níos éifeachtaí ar fáil do bhainistiú feidhmíochta le tabhairt isteach athruithe bunúsacha ar an gcóras PMDS, a comhaontaíodh i mí Iúil 2012, d'fhonn na caighdeáin gnóthachtála is airde is féidir a chinntiú le linn saolré an Ráitis Straitéise seo.

3.18 Beidh oiliúint agus forbairt na foirne rithábhachtach d'oibríocht éifeachtach na hOifige thar an tréimhse trí bliana atá romhainn. Cé go mbeidh buiséid oiliúna laghdaithe go mór amach anseo, tá Grúpa Stiúrtha Oiliúna na hOifige tiomanta do réitigh oiliúna atá éifeachtach ó thaobh costais de a fhorbairt a chuirfidh na scileanna riachtanacha ar fáil don fhoireann le seirbhís ionchúisimh ar an gcaighdeán is airde is féidir a sheachadadh.

3.19 Tá fáil ar fhaisnéis atá cruinn agus mionsonraithe lárnach in aon mheasúnú ar fheidhmíocht i gcomparáid le cuspóirí soiléire lenar féidir feidhmíocht a chur i gcomparáid leo ag leibhéal aonair agus ag leibhéal eagraíochtúil araon chomh maith. Cuireann an Córas Rianaithe Comhad Cás agus Bainistiú Doiciméad (CDMFT),


a tugadh isteach in 2008/2009 pointe aonair rochtana ar fáil don fhoireann ar fud gach rannán den Oifig.


3.20 Cuireann an córas CDMFT faisnéis chruinn faoi bhainistiú ar fáil. Beidh caighdeán agus uilechuimsitheacht na faisnéise sin mar thacaíocht rithábhachtach do sheachadadh na gcuspóirí atá leagtha amach sa Ráiteas Straitéise seo. Beidh an fhaisnéis a chuirfidh an córas CDMFT ar fáil mar phríomhghné de na tuarascálacha feidhmíochta a fhoilseofar thar shaolré an Ráiteas Straitéise seo.

3.21 Cruthófar dúshláin nua don Oifig seo sna blianta amach romhainn nuair a chuirfear samhlacha seirbhísí roinnte don Státseirbhís i bhfeidhm. Cuirfidh seirbhísí roinnte i réimsí mar Acmhainní Daonna, Airgeadas, Párolla, Baincéireacht agus Pinsin buntáistí móra ar fáil trí laghdú ar dhúbailt, sruthlíniú próisis ghnó agus laghdú ar amanna idirbheartaíochta. Cuirfear an tionscnamh seirbhísí roinnte, a tosaíodh in 2012, i bhfeidhm ar bhonn céimnithe. Tá an Oifig seo le gnéithe idirbheartaíochta de na próisis Acmhainní Daonna a aistriú chuig an Lárionad Seirbhísí Roinnte Acmhainní Daonna (HRSSC) in 2014 agus beimid ag obair i dtreo na sprice sin le linn saolré an Ráitis Straitéise seo.

CAIDREAMH LE GNÍOMHAIREACHTAÍ EILE (NÁISIÚNTA / IDIRNÁISIÚNTA)

3.22 D'fhonn seirbhísí ar an gcaighdeán is airde a sholáthar, tá sé riachtanach don Oifig caidrimh oibre láidre a bhunú agus a chothú le go leor gníomhaireachtaí agus daoine. Braitheann oibríocht éifeachtach na hOifige cuid mhór ar an tslí a ndéanann a foireann caidreamh





le daoine agus le heagraíochtaí a mbíonn baint sheachtrach acu lena timpeallacht oibre. Tá dul chun cinn mór déanta ar chumarsáid chuimsitheach a bhunú leis na grúpaí sin ar fad, nach mór. Déanfar na caidrimh sin a neartú agus a chothabháil tuilleadh le linn thréimhse an Ráitis Straitéise seo.

3.23 Níl caidreamh dlíodóir agus cliant ag an Oifig leis an nGarda Síochána, le gníomhaireachtaí imscrúdaithe eile, nó le daoine eile den phobal. Mar sin féin, is é polasaí na hOifige, ó thaobh a bheith pras agus ar chaighdeán cuí freagartha, gur chóir caitheamh leis na geallsealbhóirí sin mar a dhéileálfadh oifig mhaith dlí lena cliaint. Mar thoradh air sin moltar don fhoireann a bheith cliantdhírthe, agus an chineál chur chuige a mheasfaí a bheadh mar shárchleachtas ag oifig dlí i ndéileáil lena cliaint a ghlacadh. Tá míreanna an Tionscnaimh Seirbhíse ar Ardchaighdeán lárnach don chur chuige sin.

3.24 Is iad seo a leanas na príomhtheagmhálacha seachtracha atá ag an Oifig:

- An tArd-Aighne, atá ina chomhairleoir ag an Rialtas ar ábhair dhlí agus tuairimí dlí, lena n-áirítear dlí coiriúil, agus a bhfuil feidhm reachtúil aige dul i gcomhairle leis an Stiúrthóir ó am go ham i leith ábhair a bhaineann le feidhmeanna an Stiúrthóra. Bíonn ar an Ard-Aighne chomh maith ceadú a thabhairt d'ionchúisimh áirithe a thugtar chun cinn, go sonrach faoin Acht um Rúin Oifigiúla, 1963.
- An Garda Síochána, a chuireann comhaid imscrúdaithe isteach chuig an Oifig, a fheidhmíonn mar


ionchúisitheoirí i gcásanna na Cúirte Dúiche agus a chuireann na treoracha a thugann an Oifig seo i bhfeidhm maidir le cásanna den sórt sin.

- Gníomhaireachtaí, lena n-áirítear na Coimisinéirí Ioncaim, an tÚdarás Iomaíochta, an Stiúrthóir um Fhorfheidhmiú Corparáideach agus an tÚdarás Sláinte agus Sábháilteachta, Coimisiún Ombudsman an Gharda Síochána agus údaráis áitiúla.
- Íospartaigh coireanna a fhaigheann cearta agus cinnteachtaí áirithe faoin gCairt Seirbhíse Ionchúisimh agus faoi Chairt maidir le Seirbhís ar Ardchaighdeán Oifig an Stiúrthóra Ionchúiseamh Poiblí. Bunóidh Treoir ón AE maidir le hÍospartaigh, atá le trasú isteach i ndlí na hÉireann faoi 2015, cearta reachtúla d'Íospartaigh na coireachta.
- An Coimisiún um Thacaíocht d'Íospartaigh na Coireachta; Grúpaí Tacaíochta na Cúirteanna; agus Gníomhaireachtaí Tacaíochta d'Íospartaigh.
- An tSaotharlann Dlí-Eolaíochta, na Paiteolaithe Stáit agus an Biúró Liachta um Shábháilteacht ar Bhóithre, a sholáthraíonn sainfhianaise neamhspleách maidir le hábhair choiriúla.
- An Biúró um Shócmhainní Coiriúla, ag feidhmiú mar shain-aonad de chuid an Gharda Síochána, a chuireann comhaid imscrúdaithe isteach chuig an Oifig seo, agus a chuireann na treoracha a thugann an Oifig seo i ndáil le cásanna den sórt sin i bhfeidhm.

- Comhaltaí den Bharra a theagasctar le feidhmiú thar ceann Oifig an Stiúrthóra Ionchúiseamh Poiblí in ionchúisimh choiriúla.
- An ghairm liachta, síceolaithe agus finnétithe eile a d'fhéadfaí a ghairm chun fianaise a thabhairt thar ceann an ionchúisimh.
- Cleachtóirí cosanta coirpigh agus a gcuid cliaint.
- Na Cúirteanna agus an tSeirbhís Chúirteanna.
- Rannán Athchóirithe Dlí na Roinne Dlí agus Cirt agus Comhionannais, atá freagrach as an dlí coiriúil a athchóiriú.
- An Coimisiún Athchóirithe Dlí atá freagrach as moltaí a dhéanamh faoi athchóiriú sa dlí coiriúil.
- Scoileanna Dlí na n-ollscoileanna éagsúla i ndáil lenár gcuid clár intéirneachta agus taighde
- An tAontas Eorpach, go háirithe moltaí maidir leis an dlí coiriúil agus nósanna imeachta.
- EUROJUST, atá freagrach as comhordú i measc ionchúisitheoirí AE i ndáil le coireacht trasnáisiúnta.
- OLAF (Office Européen de Lutte Anti-Fraude), a bunaíodh i 1999 mar oifig a oibríonn go neamhspleách chun leasanna airgeadais na gComhphobal Eorpach a chosaint in aghaidh chalaois agus éillithe.
- GRECO, a bunaíodh faoi choimirce Chomhairle na hEorpa chun monatóireacht a dhéanamh, trí phróiseas cómheasúnaithe agus piarbhrú, ar chomhlíonadh

Threoirphrionsabail na Chomhairle sa Troid in Aghaidh Éillithe.


- OECD – (An Eagraíocht um Chomhar agus Forbairt Eacnamaíochta).
- Gníomhaireachtaí ionchúisimh thar lear, go háirithe gníomhaireachtaí ionchúisimh ó dhlínsí dlí coiteann.
- Cumainn idirnáisiúnta dlíodóirí agus ionchúisitheoirí, lena n-áirítear an Cumann Idirnáisiúnta Ionchúisitheoirí, Comhdháil Cheannairí na nGníomhaireachtaí Ionchúisimh, Cumann Idirnáisiúnta an Bharra agus cruinnithe de chuid ionchúisitheoirí na hEorpa a thionóltar faoi choimirce Chomhairle na hEorpa nó an AE.



4 PRÍOMH-CHUSPÓIRÍ

4.1 Le go mbainfidh sí a misean amach tá na cúig phríomh-chuspóir seo a leanas ag an Oifig:

- 1)** Tuiscint ar an dlí agus ar chomhthéacs oibríochta na hOifige.
- 2)** Fís agus straitéis a fhorbairt le haghaidh treo na hOifige amach anseo.
- 3)** Próisis agus córais oibríochta ardchaighdeánacha a chothabháil chun ionchúisimh neamhspleácha, chothroma agus éifeachtacha a bhaint amach.
- 4)** Idirghníomhú agus comhoibriú le gach rannpháirtí eile sa chóras ceartais choiriúil i ndáil le saincheisteanna trasrannacha le súil agus feabhas a chur ar cháilíocht fhoriomlán na seirbhíse.
- 5)** Cothabháil ar ionchais bheachta an phobail maidir le seirbhís.



5 SEACHADADH AR NA PRÍOMH-CHUSPÓIRÍ

- 5.1** Leagann an chaibidil seo amach na príomh-chuspóirí; na príomhriachtanais chun cuspóirí a chomhlíonadh; straitéisí sainiúla beartaithe chun gach ceann de na cúig phríomhchuspóir a bhaint amach; agus táscairí feidhmíochta do gach ceann de na cuspóirí. Tá na fachtóirí criticiúla rathúlachta atá riachtanach do bhaint amach na bpríomh-chuspóirí leagtha amach i gcaibidil 6.

PRÍOMH-CHUSPÓIR 1:

- 5.2** Tuiscint ar an dlí agus ar an gcomhthéacs oibríochta

Príomhriachtanais chun an cuspóir a chomhlíonadh:

- Tuiscint chríochnúil ag an bhfoireann ghairmiúil ar na dlíthe lena mbaineann
- Tuiscint chríochnúil ag an bhfoireann ghairmiúil ar a ról sa chóras ceartais choiriúil

Straitéisí lena chinntiú go gcomhlíonfar cuspóirí:

- Clár cuimsitheach oiliúna dlíthiúil agus oideachas leanúnach dlíthiúil a sholáthar, ó fhoinsí allamuigh nó intí, de réir mar is cuí
- Faisnéis dhlíthiúil chothrom le dáta a sholáthar don fhoireann tríd an Aonad Polasaí Ionchúisimh agus trí sheirbhís Leabharlainne agus trí sheirbhís Taighde Dlíthiúil na hOifige
- Straitéisí bainistithe faisnéise a fhorbairt lena chinntiú go scaiptear faisnéis dhlíthiúil ar bhealach tráthúil agus éifeachtach agus go mbeidh córais ar bun le taifeadadh éifeachtach agus aisghabháil faisnéis den sórt sin a éascú

- Faisnéis a chur ar fáil do gach duine den fhoireann maidir lenár n-idirghníomhú le gníomhaireachtaí eile sa chóras ceartais choiriúil

Táscairí Feidhmíochta:

- An líon uaire d'oideachas forbartha gairmiúla seachadta
- Córas d'fhaisnéis a scaipeadh ar bun agus athbhreithniú á dhéanamh go rialta air
- Tráthúlacht agus cáilíocht faisnéise faoi fhorbairtí dlíthiúla a ndéantar monatóireacht orthu
- Straitéis bainistithe faisnéise a fheidhmiú


PRÍOMH-CHUSPÓIR 2:


- 5.3** Fís agus straitéis a fhorbairt le haghaidh treo na hOifige amach anseo

Príomhriachtanais chun an cuspóir a chomhlíonadh:

Ní mór don bhainistíocht shinsearach tuiscint shoiléir a bheith acu ar:

- Sárchleachtas idirnáisiúnta agus treoachtaí atá ag teacht chun cinn maidir le bainistíú ionchúiseamh poiblí
- Polasaithe an Rialtais ar athchóiriú na hearnála poiblí
- Saincheisteanna maidir le hathchóiriú earnála Cheartas Coiriúil na hÉireann
- An tslí le tabhairt faoi athleagan amach eagraíochtúil leis an úsáid is fearr as acmhainní a chinntiú fad a choimeádfar seirbhís ionchúisimh éifeachtach ar bun





Straitéisí lena chinntiú go gcomhlíonfar cuspóirí:

- Coiste Comhairleach Bainistíochta (MAC) le díriú i gcónaí ar straitéisí do threo na hOifige amach anseo laistigh den chóras ceartais choiriúil
- A chinntiú go mbeidh impleachtaí pholasaithe an Rialtais ar athchóiriú na hearnála poiblí mar chuid de na hathbhreithnithe straitéiseacha a dhéanann MAC
- Athbhreithniú a dhéanamh ar chleachtas oibre reatha ar fud na heagraíochta agus polasaithe a thacaíonn leis an úsáid is fearr a bhaint as acmhainní leithdháilte a fhorbairt
- Fís a fhorbairt ag leibhéal MAC do chomhordú níos mó idir an dá rannán dlíthiúil san Oifig i gcomhthéacs an aon fhoirgnimh amháin atá beartaithe don Ceanncheathrú.
- Na struchtúir do bhainistiú straitéiseach na heagraíochta ina hiomláine agus an tSeirbhís Aturnaetha Stáit a choinneáil faoi athbhreithniú
- An fhaisnéis bhainistithe atá ar fáil ó chórais TFC na hOifige a úsáid chun an fhaisnéis le tacú leis na táscairí feidhmíochta don Oifig a sholáthar
- Teagmháil a choimeád le heagraíochtaí ionchúisimh idirnáisiúnta agus le comhlachtaí idirnáisiúnta le sinn a choinneáil ar an eolas maidir le forbairtí in ionchúisimh phoiblí

Táscairí Feidhmíochta:

- Athbhreithnithe rialta ag MAC maidir le forbairt reatha na straitéisí atá imlínithe sa Ráiteas Straitéise

- Polasaithe a chinntíonn an úsáid is fearr as acmhainní leithdháilte i bhfeidhm
- Foireann leis na scileanna riachtanacha a bheith ann agus nósanna imeachta teagmhasacha a bheith ann
- Éifeachtúlachtaí agus éifeachtacht cruthaithe ó chomhordú níos fearr idir an dá rannán dlíthiúil san Oifig mar thoradh ar an aistriú beartaithe chuig aon fhoirgneamh Ceanncheathrú amháin
- Struchtúir i bhfeidhm lena n-áirítear Pleananna Gnó do na hAonaid ar fad; Straitéisí Acmhainní Daonna, Córas Bainistíochta agus Forbartha Feidhmiúcháin PMDS; Coiste Comhpháirtíochta
- Tuarascálacha ar fheidhmíocht curtha le chéile agus athbhreithnithe ar bhonn rialta

PRÍOMH-CHUSPÓIR 3:

- 5.4** Próisis agus córais oibríochta ardchaighdeánacha a chothabháil chun ionchúisimh neamhspleácha, chothroma agus éifeachtacha a bhaint amach

Príomhriachtanais chun an cuspóir a chomhlíonadh:

- Polasaithe i bhfeidhm le tacú leis an bpróiseas ionchúisimh
- Cinntí agus gníomhartha déanta ag leibhéal iomchuí laistigh agus lasmuigh den eagraíocht
- Cinnteoirí sa phróiseas curtha ar an eolas go cuí
- Seirbhísí tacaíochta éifeachtacha agus cuimsitheacha ar bun

- Faisnéis bhainistithe chuimsitheach ar fáil


Straitéisí lena chinntiú go gcomhlíonfar cuspóirí:


- Polasaithe a fhorbairt maidir le cúrsaí ionchúisimh de réir mar is gá
- Monatóireacht agus athbhreithniú a dhéanamh ar an straitéis chun an fheidhm cinnteoireachta a tharlú, laistigh agus lasmuigh den eagraíocht
- Córais a chur i bhfeidhm chun monatóireacht a dhéanamh ar chomhsheasmhacht na gcaighdeán
- A chinntiú go gcloítear le Treoirlínte d'ionchúisitheoirí agus leis an gCód Eiticí
- Córas a bhunú lena chinntiú go ndéileálfar le gach cumarsáid ó gheallsealbhóirí ar bhealach cuí
- Córas láimhseála gearán a bheith i bhfeidhm agus monatóireacht agus athbhreithniú a dhéanamh ar na gearáin a fhaightear
- Monatóireacht a dhéanamh ar chórais do roghnú agus meastóireacht Abhcóidí lena chinntiú go leanfaidh seirbhísí na saineolaithe abhcóideachta is fearr i gcleachtas an dlí choiriúil a bheith coinnithe ar an eolas ag an Stiúrthóir, agus aird á tabhairt ar a hoibleagáid reachtúil
- Córas Teicneolaíochta Faisnéise a fhorbairt a thacaíonn leis an bpróiseas ionchúisimh agus faisnéis bhainistithe a sholáthar a éascaíonn anailís a dhéanamh ar éifeachtacht agus éifeachtúlacht an chórais ionchúisimh

- Córais chumarsáide a fhorbairt lena chinntiú go mbeidh an fhaisnéis is iomláine ag cinnteoirí san Oifig ó dhaoine eile a bhíonn páirteach sa phróiseas ionchúisimh

Táscairí Feidhmíochta:

- Polasaithe i ndáil le cúrsaí ionchúisimh ar bun
- Straitéis tarmलगin éifeachtach i bhfeidhm
- Feidhmiú comhsheasmhach ar chaighdeán agus cur chuige
- Tráthúlacht cinntí agus seoladh cásanna
- Leibhéal chomhlíonta le Treoirlínte d'ionchúisitheoirí agus an Cód Eiticí léirithe ag iniúchtaí ar chásanna agus ag nósanna imeachta chun déileáil le gearáin
- An céatadán treoracha eisithe a cuireadh i gcrích
- Scála ama ina gcuirtear cinntí i bhfeidhm
- Meastóireacht ar an treoir maidir le cearta íospartach le tabhairt chun críche agus polasaí maidir le cúiseanna a thabhairt do chinntí ionchúisimh le forbairt de réir mar is cuí
- Déileáil le cumarsáid ar shlí thráthúil agus chuí
- Gearáin a láimhseáil de réir threoirlínte polasaí
- An líon achomharc a thaisctear agus a dtoradh
- An líon cásanna inar coigistíodh fáiltas ó choireacht agus luach na bhfáltas





- Córas cóir agus trédhearcach do roghnú abhcóidí i bhfeidhm
- Meastóireacht ar fheidhmíocht abhcóidí
- Athbhreithniú a dhéanamh ar sheirbhísí tacaíochta agus moltaí a chur i bhfeidhm
- An céatadán cásanna inar éilíodh faisnéis bhreise
- Anailís ar thorthaí cásanna trí fhaisnéis bhainistithe atá ar fáil ó chórais TFC na hOifige
- Toradh na n-aschur a bhaineann le líon foirne

PRÍOMH-CHUSPÓIR 4:

5.5 Idirghníomhú agus comhoibriú le gach rannpháirtí eile sa chóras ceartais choiriúil i ndáil le saincheistanna trasrannacha le súil agus feabhas a chur ar cháilíocht fhoriomlán na seirbhísí.

Príomhriachtanais chun an cuspóir a chomhlíonadh:


- Comhaontú ar rólanna na rannpháirtithe
- Malartú faisnéise idir gach rannpháirtí sa chóras ceartais choiriúil náisiúnta agus idirnáisiúnta araon
- Caitheamh go sásúil le híospartaigh agus finnétithe
- Idirchaidreamh le rannpháirtithe eile sa Chóras Ceartais Choiriúil maidir le cur i bhfeidhm na treorach ar chearta íospartach trí reachtaíocht na tíre seo amach anseo


- Cur le agus a bheith páirteach i ngrúpaí agus in eagraíochtaí náisiúnta agus idirnáisiúnta

Straitéisí lena chinntiú go gcomhlíonfar cuspóirí:

- A chinntiú go mbeidh gach gníomhaireacht dá soláthraímid seirbhís soiléir faoina ról faoi seach trí mhalartú faisnéise, idirchaidreamh rialta déthaobhach agus comhaontuithe éifeachtacha idirghníomhaireachta
- Naisc idirchaidrimh bhuana ardleibhéil a chothabháil leis an nGarda Síochána chun déileáil le saincheistanna comhleasa ar bhonn leanúnach. Áirítear ar na saincheistanna sin:
 - Cabhrú leis an nGarda Síochána trí oiliúint a sholáthar i nithe dlíthiúla don Gharda Síochána
 - Comhairle dhlíthiúil a sholáthar don Gharda Síochána ar iarratais a bhaineann le ceistanna dlíthiúla a d'fhéadfadh teacht chun cinn ag an staid imscrúdaithe
 - Oibriú leis an nGarda Síochána chun córais a chur chun cinn a fheabhsóidh cáilíocht agus éifeachtúlacht na gcomhad imscrúdaithe
 - Treoracha ginearálta do Choimisinéir an Gharda Síochána a fhógairt agus a choimeád faoi athbhreithniú faoi alt 8 d'Acht an Gharda Síochána, 2005
- Idirchaidreamh ardleibhéil a chothabháil le príomhghníomhairí eile sa chóras ceartais choiriúil

- Cur le hathchóiriú an dlí choiriúil agus le héifeachtúlacht an chórais ceartais choiriúil trí fhadhbanna a thagann chun cinn i gcleachtas a tharchur chuig: an tArd-Aighne; an tAire Dlí agus Cirt agus Comhionannais; Airí iomchuí eile; an Coimisiún Athchóirithe Dlí; an tSeirbhís Chúirteanna; nó an dá chraobh den ghairm dlí, de réir mar is cuí
 - Nósanna imeachta oibriúcháin a fhorbairt le héifeacht a thabhairt do thiomantais sa Chairt d'Íospartaigh agus sa Chairt maidir le Seirbhís ar Ardchaighdeán de chuid Oifig an Stiúrthóra Ionchúiseamh Poiblí
 - Leanúint le hidirchaidreamh a dhéanamh leis an nGarda Síochána agus le grúpaí ionadaíochta íospartach maidir le seirbhís a sheachadadh d'íospartaigh choireachta A bheith páirteach i bpléití faoin Treoir ón AE maidir le hÍospartaigh a thrasú isteach i ndlí na hÉireann agus a chinntiú go mbeidh córais i bhfeidhm ionas go mbeidh an Oifig seo in ann forálacha na reachtaíochta a bhaineann leis an tseirbhís ionchúisimh a chur i bhfeidhm.
 - Cur leis an bpróiseas de chúnamh frithpháirteach idirnáisiúnta agus de chomhoibriú breithiúnach trí rannpháirtíocht i EUROJUST agus trí chomhoibriú le hOifig an Ard-Aighne, leis an nGarda Síochána agus leis an Roinn Dlí agus Cirt agus Comhionannais
 - Comhdhálacha náisiúnta agus idirnáisiúnta a eagrú chun críche faisnéis a mhalartú agus plé a dhéanamh ar cheisteanna a bhfuil baint fhrithpháirteach leo
 - A bheith rannpháirteach i ngrúpaí oibre agus i gcoistí idirghníomhaireachta
 - A bheith rannpháirteach in obair eagraíochtaí idirnáisiúnta dlíodóirí agus ionchúisitheoirí, agus ar an tslí sin a chinntiú go mbeidh an Oifig ar an eolas faoi fhorbairtí ábhartha i ndlínsí eile agus go leanfaidh sí ag feidhmiú de réir na gcaighdeán idirnáisiúnta inghlactha, go háirithe iad sin arna leagan amach ag na Náisiúin Aontaithe, Comhairle na hEorpa agus Cumann Idirnáisiúnta na nIonchúisitheoirí
- ### Táscairí Feidhmíochta
- Prótacail idirghníomhaireachta i bhfeidhm de réir mar is gá
 - Cruinnithe idir an DPP agus Choiste Idirchaidrimh an Gharda Síochána
 - An líon laethanta oiliúna arna sholáthar don Gharda Síochána
 - Leibhéal comhlíonta na dtreoracha ginearálta arna n-eisiúint faoi alt 8 d'Acht an Gharda Síochána, 2005
 - An céatadán cásanna inar n-éilítear faisnéis bhreise
 - An líon aighneachtaí a rinneadh ar athchóiriú an chórais dlí choiriúil
 - Idirchaidreamh leanúnach le finnítithe gairmiúla nó lena ngrúpaí ionadaíochta
 - An líon cruinnithe agus idirchaidreamh leanúnach le grúpaí ionadaíochta íospartach
 - An méid a chuirtear le hobair eagraíochtaí idirnáisiúnta
 - An leibhéal freastail ag na comhdhálacha a eagraítear





- Dul chun cinn grúpaí oibre agus coistí
- Reathacht na faisnéise atá ar fáil ar fhorbairtí i ndlínsí eile

PRÍOMH-CHUSPÓIR 5:

5.6 Cothabháil ar ionchais réalaíocha an phobail maidir le seirbhís

Príomhriachtanais chun an cuspóir a chomhlíonadh

- Tuiscint phoiblí ar obair na hOifige
- Muinín an phobail as an bpróiseas ionchúisimh

Straitéisí lena chinntiú go gcomhlíonfar cuspóirí:

- An méid faisnéise is féidir faoi obair Oifig an Stiúirthóra Ionchúiseamh Poiblí a chur ar fáil, go háirithe trí fhoilsiú Tuarascálacha Bliantúla, Treoirlínte d'Ionchúisitheoirí, leabhráin faisnéise agus foilseacháin eile na hOifige.
- Láithreán gréasáin dátheangach a chothabháil a bheidh inrochtana agus a mbeidh faisnéis chuí don spriocluacht féachana ann
- Caitheamh le híospartaigh agus finnétithe coireachta le hÍogaireacht agus tuiscint de réir na ngealltanais atá tugtha sa Chairt d'Íospartaigh & sa Chairt Maidir le Seirbhís ar Ardchaighdeán de chuid Oifig an Stiúirthóra Ionchúiseamh Poiblí
- Cairt maidir le Seirbhís ar Ardchaighdeán a bheith i bhfeidhm a leagann amach caighdeán seirbhíse is féidir a bheith ag súil leo ó Oifig an Stiúirthóra Ionchúiseamh Poiblí

- Déileáil le gearáin ar shlí thráthúil agus éifeachtach
- Oscailteacht agus feasacht an phobail ar ról na hOifige a chur chun cinn

Táscairí Feidhmíochta:

- Tuarascáil Bhliantúil chuimsitheach a fhoilsiú laistigh de 6 mhí ó dheireadh na bliana
- Líon agus méid dháileadh ar leabhráin faisnéise
- Reathacht agus inrochtaine na faisnéise atá ar fáil ar an láithreán gréasáin
- Anailís ar úsáid an láithreáin ghréasáin
- Cairt maidir le Seirbhís ar Ardchaighdeán agus Plean Gnímh a fhoilsiú
- Polasaí láimhseála gearán i bhfeidhm agus monatóireacht á déanamh air
- An líon agallamh poiblí a thugtar; cur i láthair a dhéantar ag comhdhálacha agus ag seimineáir; agus ailt foilsí

6 FACHTÓIRÍ TÁBHACHTACHA RATHÚLACHTA

6.1 Tá roinnt fachtóirí fiorthábhachtach ó thaobh bhaint amach na gcuspóirí atá leagtha amach sa Ráiteas Straitéise seo. Tá roinnt de na fachtóirí sin lasmuigh d'Oifig an Stiúrthóra Ionchúiseamh Poiblí agus lasmuigh de smacht na hOifige. Is fachtóirí inmheánacha cinn eile díobh a bhfuil smacht ag an Oifig orthu.

FACHTÓIRÍ LASMUIGH DE SMACHT NA HOIFIGE


6.2 Tá an timpeallacht eacnamaíochta athraitheach ar an bhfachtóir aonair is mó a mbeidh tionchar aige ar sheachadadh na gcuspóirí atá leagtha amach sa Ráiteas Straitéise seo, is dócha. Samhlaítear go dtiocfaidh brú ar acmhainní trí scor, éirí as nó teidlíochtaí saoire fadtéarmacha le linn tréimhse an Ráitis Straitéise seo. Ciallóidh cosc ar earcaíocht agus ar arduithe céime sa tseirbhís phoiblí go bhféadfadh sé nach líonfaí na folúntais sin. Cé go ndéanfar gach iarracht cleachtais oibre a atheagrú agus an leas is fearr is féidir a bhaint as acmhainní reatha, beidh tionchar go cinnte ag an laghdú suntasach ar an líon foirne ar an leibhéal seirbhíse is féidir leis an Oifig a chur ar fáil.

6.3 Rinneadh dul chun cinn in 2012 maidir leis an sprioc is mó atá againn a bhaint amach, eadhon gach rannán den Oifig a chur in aon láithreán cheanncheathrú amháin. D'aistrigh Rannán Stiúrtha na hOifige ó Shráid Mhuirfean go dtí foirgneamh an Cheanncheathrú nua ar Bhóthar na hOtharlainne i Meitheamh 2012. Tá na codanna eile de Rannán na nAturnaetha, chomh maith le codanna den Rannán Riaracháin, lonnaithe ar Shráid an Rí Thuaidh. Dá mbeadh gach rannán de chuid na hOifige lonnaithe

sa cheanncheathrú aonair thabharfadh sin deis níos fearr an obair a atheagrú, as a leanfadh níos mó éifeachtúlachtaí agus úsáid níos fearr as na hacmhainní atá ar fáil. Ag tráth scríofa, tá an Oifig ag obair le hOifig na nOibreacha Poiblí agus leis an Roinn Caiteachais Phoiblí agus Athchóirithe, ag iarraidh tuilleadh cóiríochta a fháil ar an láithreán ar Bhóthar na hOtharlainne, ionas go mbeidh gach rannán de chuid na hOifige in ann oibriú as aon suíomh cheanncheathrú amháin.

6.4 Tá machnamh á dhéanamh ag an Oifig seo le tamall anuas ar leathnú a dhéanamh ar an bpolasaí faoi chúiseanna le cinntí a thabhairt le fios. Sáraíonn tabhairt chun críche Threoir ón AE maidir le cearta íospartach in 2012 cinneadh ar pholasáí inmheánach ar an ábhar sin, áfach. Nuair a rifear an reachtaíocht bhaile riachtanach leis an treoir sin a thrasú isteach i ndlí na hÉireann, bunófar íoschaighdeán ar chearta, tacaíocht agus cosaint d'íospartaigh choireachta. Áireofar air sin an ceart d'íospartaigh faisnéis a fháil maidir le cinneadh ar bith gan dul ar aghaidh le himscrúdú, nó deireadh a chur le himscrúdú, nó gan an ciontóir líomhnaithe a ionchúiseamh. Beidh impleachtaí móra ó thaobh acmhainní aige sin don Oifig seo. Beimid ag obair go dlúth le gníomhaireachtaí ceartais choiriúil eile le linn saolré an Ráitis Straitéise seo chun córais a chur ar bun ionas gur féidir forálacha na dtreoracha a chur i bhfeidhm nuair a achtófar an reachtaíocht.

6.5 Cé go ndéanfaidh an Oifig seo iarracht a chinntiú go mbainfear an leas is éifeachtaí is féidir as acmhainní laistigh den chóras ceartais choiriúil trí chomhordú ghníomhaíochtaí na ngníomhaireachtaí agus comhlachtaí




éagsúla a spreagadh, ar deireadh braithfidh rathúlacht maidir leis sin ar leibhéal comhoibrithe na ngníomhaireachtaí eile.

FACHTÓIRÍ A BHFUIL SMACHT AG AN OIFIG ORTHU

- 6.6** Ní mór don Oifig a chinntiú go mbainfear an leas is fearr is féidir as acmhainní leithdháilte ionas nach gcuirfear isteach ar sholáthar na seirbhíse ionchúisimh. Déanfar athbhreithniú ar acmhainní reatha le linn saolré an Ráitis Straitéise seo, i bhfianaise an aistrithe go dtí foirgneamh Cheanncheathrú aonair, agus cuirfear tionscnaimh chun seirbhísí a shruthlíniú i bhfeidhm nuair is féidir sin.
- 6.7** Déanfar nuashonrú agus bainistiú leanúnach ar an gCóras Rianaithe Comhad Cás agus Bainistiú Doiciméad, lena chinntiú go dtacóidh sé le riachtanais bhainistiú faisnéise na hOifige.
- 6.8** Beidh forbairt ar pholasaí ionchúisimh inmheánach thar saolré an Ráitis Straitéise seo ina príomhfhachtóir le bheith mar bhonn taca do chaighdeáin chomhleanúnacha ar feadh na heagraíochta.
- 6.9** Ní mór speisialú foirne a phleanáil d'fhonn freastal ar éilimh leanúnacha réimsí nua den dlí coiriúil agus na réimsí sin atá ag éirí níos casta.
- 6.10** Ní mór córais bainistithe acmhainní daonna a fhorbairt ar bhealach éifeachtach ó thaobh costas chun cur le scileanna agus inniúlachtaí na foirne ag gach leibhéal trí chlár forbartha agus oiliúna arna cheapadh i gcomhar leis an gCóras Bainistíochta agus Forbartha Feidhmiúcháin. Cuirfear

béim níos mó ar chláir oiliúna dlí inti a fhorbairt trí úsáid a bhaint as an mbonn leathan eolais agus taithí ar réimsí speisialaithe den dlí coiriúil atá san Oifig.

- 6.11** Cuirfidh an cosc ar earcú teorainn ar chumas na hOifige struchtúr dul chun cinn gairme a chur ar fáil don fhoireann. Tá polasaí gluaiseachta inmheánaí forbartha ag an Oifig, áfach, lena chinntiú go mbeidh deiseanna ag an bhfoireann taithí a fháil ar raon éagsúil réimsí laistigh den Oifig, le go mbeidh siad in ann cur lena gcuid eolais agus saineolais. Leanfaimid orainn ag cur an pholasaí gluaiseachta i bhfeidhm le linn saolré an Ráitis Straitéise seo.



7 CREAT AN PHRÓISIS IONCHÚISEAMH CHOIRIÚIL

AN GARDA SÍOCHÁNA & SAINGHNÍOMHAIREACHTAÍ IMSCRÚDÚCHÁIN

- Imscrúdaithe coiriúla neamhspleácha a sheoladh
- An chuid is mó de na hionchúisimh achoimre i ndáil le cionta nach cionta tromchúiseacha a sheoladh sa Chúirt Dúiche (faoi réir ag cumhacht an DPP treoir a thabhairt)
- Comhaid a ullmhú agus a chur faoi bhráid Rannán na nAturnaetha in Oifig an Stiúrtóra Ionchúiseamh Poiblí (cásanna Bhaile Átha Cliath) nó faoi bhráid an aturnaetha stáit áitiúil (cásanna lasmuigh de Bhaile Átha Cliath) i leith cionta tromfaí

RANNÁN NA nATURNAETHA OIFIG AN STIÚRTHÓRA IONCHÚISEAMH POIBLÍ (Cásanna atá le héisteacht i mBaile Átha Cliath)

ATURNAE STÁIT ÁITIÚIL (Cásanna atá le héisteacht lasmuigh de Bhaile Átha Cliath)

- Ionchúisimh achoimre áirithe a sheoladh sa Chúirt Dúiche
- Comhaid imscrúdaithe a chur faoi bhráid Rannán na dTreoracha d'Oifig an Stiúrtóra Ionchúiseamh Poiblí chun treoracha a fháil maidir le hionchúiseamh
- Cásanna a ullmhú le haghaidh na cúirte

RANNÁN NA dTREORACHA OIFIG AN STIÚRTHÓRA IONCHÚISEAMH POIBLÍ

- Scrúdaíonn comhaid a fhaightear ó Rannán na nAturnaetha agus ó aturnaetha stáit áitiúla
 - Stiúraíonn tionscnamh ionchúisimh nó leanúint d'ionchúiseamh
- Ainmníonn abhcóidí chun cásanna a ionchúiseamh ar díotáil (os comhair na Cúirte Cuarda, na Príomh-Chúirte Coiriúla agus na Cúirte Coiriúla Speisialta)
- Soláthraíonn treoir leanúnach agus comhairle dhlíthiúil do Rannán na nAturnaetha agus d'aturnaetha stáit áitiúla go dtí go gcríochnaítear an cás atá á éisteacht
- Tugann comhairle don Gharda Síochána agus do shainghníomhaireachtaí imscrúdúcháin agus tugann treoracha maidir le cúisimh a dhéanamh

RANNÁN NA nATURNAETHA OIFIG AN STIÚRTHÓRA IONCHÚISEAMH POIBLÍ (Cásanna atá le héisteacht i mBaile Átha Cliath)

ATURNAE STÁIT ÁITIÚIL (Cásanna atá le héisteacht lasmuigh de Bhaile Átha Cliath)


- Treoracha ó Rannán na dTreoracha a chur chun feidhme
 - Freastal ar réamhéisteachtaí sa Chúirt Dúiche
 - Leabhar Fianaise a ullmhú i gcásanna díotála
- Teagasc agus cúnamh a thabhairt don abhcóide ainmnithe atá ag seoladh an ionchúisimh
 - Freastal ar an triail agus tuairisc a thabhairt ar an toradh do Rannán na dTreorach
- Seirbhís idirchaidrimh a sholáthar do ghníomhaireachtaí agus do pháirtithe atá páirteach sa phróiseas coiriúil


ABHCÓIDE IONCHÚISIMH

- Láithriú sa chúirt agus ionchúisimh ar díotáil a sheoladh thar ceann, agus de réir threoracha, an Stiúrtóra Ionchúiseamh Poiblí

NA CÚIRTEANNA

- Cás le linn éisteachta (díotchúiseamh, triail)
- Toradh an cháis (ciontú/éigiontú)
- Pianbhreith a ghearradh





8 AN STRUCHTÚR EAGRAÍOCHTÚIL

